

Broj: 03-02-846-1/2018  
Sarajevo, 07.07.2022. godine

**PARLAMENT FEDERACIJE  
BOSNE I HERCEGOVINE**

Primljeno: 07-07-2022			
Org. jed.	Broj	Priloga	Vrijednost
02-	02-	1370	/18


- Dom naroda-  
gosp. Tomislav Martinović, predsjedavajući

**PREDMET: Izjašnjenje Vlade Federacije Bosne i Hercegovine**

Poštovani,

U skladu sa članom IV. B.3. 7. c) (IV) Ustava Federacije Bosne i Hercegovine, a u vezi sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Jasmin Duvnjak, delegat u Domu naroda Parlamenta Federacije BiH i amandmana na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Klub delegata hrvatskog naroda u Domu naroda Parlamenta Federacije BiH, Vlada Federacije Bosne i Hercegovine je, na 322. sjednici održanoj 07.07.2022. godine, utvrdila Izjašnjenje, koje Vam u prilogu dostavljam.

S poštovanjem,

  
**PREMIJER.**  
Fadil Novalić

**CO: FEDERALNO MINISTARSTVO RADA I SOCIJALNE POLITIKE**  
gosp. Vesko Drljača, ministar

**GOVERNMENT**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/30 i 67/21) a u vezi sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Jasmin Duvnjak, delegat u Domu naroda Parlamenta Federacije BiH i amandmana na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Klub delegata hrvatskog naroda u Domu naroda Parlamenta Federacije BiH, Vlada Federacije Bosne i Hercegovine je, na 322. sjednici održanoj 07.07.2022. godine, utvrdila sljedeće

**IZJAŠNENJE**

o amandmanima na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Jasmin Duvnjak, delegat u Domu naroda Parlamenta Federacije BiH

**AMANDMAN I**

U članu 2. stav (3) Prijedloga zakona o organizacijama i reprezentativnim organizacijama osoba sa invaliditetom i civilnih žrtava rata dodaje se tekst:

„Redovni član u smislu utvrđivanja statusa reprezentativne organizacije osoba sa invaliditetom može biti samo osoba sa stepenom invaliditeta od 60% do 100%“

**IZJAŠNENJE**

**Amandman se ne prihvata**

**Obrazloženje**

U ovom slučaju ne treba izjednačavati propise koji uređuju prava na materijalnu naknadu osoba sa invaliditetom i pravo na njihovo organizovanje i udruživanje. Smatramo da bi ograničavanje članstva samo na tjelesno oštećene od 60 – 100% moglo predstavljati diskriminaciju osoba sa manjim procentom invaliditeta, a koje imaju interes i potrebu da se bave društvenim djelovanjem i da budu pripadnici određene organizacije osoba sa invaliditetom.

## AMANDMAN II

U članu 28. Prijedloga zakona o organizacijama i reprezentativnim organizacijama osoba sa invaliditetom i civilnih žrtava rata mijenja se stav (1) i sada glasi:

- (1) " Reprezentativne OOSI i reprezentativne OCŽR se u skladu sa mogućnostima finansiraju iz budžeta kroz direktno uvrštavanje ovih organizacija u budžet općine, grada, kantona ili Federacije BiH, u skladu sa nivoom organizovanja i to:
- a) Iz budžeta općine –općinske reprezentativne OOSI i reprezentativne OCŽR
  - b) Iz budžeta grada- gradske reprezentativne OOSI i reprezentativne OCŽR
  - c) Iz budžeta kantona- kantonalne reprezentativne OOSI i reprezentativne OCŽR
  - d) Iz budžeta Federacije- federalne reprezentativne OOSI i reprezentativne OCŽR"

### IZJAŠNJENJE

#### Amandman se ne prihvata

#### Obrazloženje

Na Nacrt zakona provedene su sveobuhvatne konsultacije sa svim nadležnim kantonalnim skupštinama i ministarstvima, kao i udruženjima OSI i CŽR i tom prilikom je najviše bilo primjedbi na pitanje finansiranja, koje je u Prednacrtu predviđeno kao obaveza nadležnih organa na svakom nivou vlasti. Obzirom da je tada većina kantona imala primjedbu na ovakav prijedlog i tražila da se pitanje finansiranja ostavi kao mogućnost a ne obaveza, Vlada Federacije BiH je usvojila stav većine kantona te je u Nacrtu zakona pitanje finansiranja ostavljeno kao mogućnost. Ovom prilikom naglašavamo da je i dosadašnja praksa bila finansiranje organizacija na svim nivoima vlasti, i da će se ta praksa očekivano nastaviti, s tim da će sada postojati zakonski osnov kojim je takva praksa omogućena.

### AMANDMAN III

U članu 28. Prijedloga zakona o organizacijama i reprezentativnim organizacijama osoba sa invaliditetom i civilnih žrtava rata mijenja se stav (2) i sada glasi:

- (2) "Finansiranje OOSI i OCŽR se vrši putem javnog poziva, u skladu sa raspoloživim sredstvima za tekuću budžetsku godinu, a u svrhu podrške osnovnom funkcionisanju organizacije, radi izvršavanja programskih aktivnosti i zadataka"

#### IZJAŠNJENJE

#### Amandman se ne prihvata Obrazloženje

Ovim zakonom se uređuje mogućnost finansiranja reprezentativnih organizacija OSI i OCŽR, a predloženi amandman se odnosi na sve OSI i OCŽR. Amandman se ne prihvata jer se OSI i OCŽR u osnovi mogu finansirati iz drugih izvora, i putem javnih poziva kojim zadovoljavaju kriterije. Cilj ovog zakona je da se potaknu organizacije da rade što kvalitetnije u interesu svog članstva i da nastoje steći reprezentativnost, a jedan od motiva je, svakako, i finansiranje iz budžeta. Ukoliko se takva mogućnost predvidi, njihova motivacija da budu reprezentativne može biti ograničena.

#### IZJAŠNJENJE

o amandmanima na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata, koje je podnio Klub delegata hrvatskoga naroda u Domu naroda Parlamenta Federacije BiH

### AMANDMAN I

U članu 2. u stavu (1) u tački b) iza riječi "sa istom" dodaju se riječi "ili različitom", ostatak teksta ostaje isti

#### IZJAŠNJENJE

#### Amandman se ne prihvata Obrazloženje

Ukoliko bi se dodale riječi „ili različitom“ izgubila bi se intencija zakona, a to je da se organizacije osoba sa invaliditetom formiraju prema istoj vrsti invaliditeta, jer je stav predlagača da se na taj način najbolje štite interesi svake kategorije osoba sa invaliditetom.

## AMANDMAN II

U članu 2. u stavu (3) dodaje se tekst:

“Redovni član u smislu utvrđivanja statusa reprezentativne organizacije osoba sa invaliditetom može biti samo osoba sa stepenom invaliditeta od 60% do 100%.”

## IZJAŠNJENJE

### Amandman se ne prihvata

#### Obrazloženje

U ovom slučaju ne treba izjednačavati propise koji uređuju prava na materijalnu naknadu osoba sa invaliditetom i pravo na njihovo organizovanje i udruživanje. Smatramo da bi ograničavanje članstva samo na tjelesno oštećene od 60 – 100% moglo predstavljati diskriminaciju osoba sa manjim procentom invaliditeta, a koje imaju interes i potrebu da se bave društvenim djelovanjem i da budu pripadnici određene organizacije osoba sa invaliditetom.

## AMANDMAN III

U članu 8. u stavu (1) tačka c) se briše, tačka d) postaje tačka c)

## IZJAŠNJENJE

### Amandman se ne prihvata

#### Obrazloženje

Sadašnja situacija koja, u skladu sa pozitivnim zakonskim propisima, omogućava da minimalno tri osobe mogu formirati udruženje, dovela je do nastanka ogromnog broja udruženja osoba sa invaliditetom koja su, zapravo, sama sebi svrha i ne doprinose zaštiti interesa osoba sa invaliditetom. Također, to stvara probleme u komunikaciji sa tim udruženjima, jer svako tvrdi da upravo ono zastupa interese konkretne populacije osoba sa invaliditetom. Između ostalog, i zbog toga se pristupilo pripremi zakona koji će inicirati okrupnjavanje organizacija osoba sa invaliditetom, a koje će onda na kvalitetniji i ozbiljniji način biti sugovornik predstavnicima vlasti u rješavanju problema populacije koju zastupaju.

## AMANDMAN IV

U članu 28. mijenja se stav (1) i sada glasi

- (1) “ Reprezentativne OOSI i reprezentativne OCŽR se u skladu sa mogućnostima finansiraju iz budžeta kroz direktno uvrštavanje ovih organizacija u budžet općine, grada, kantona ili Federacije BiH, u skladu sa nivoom organizovanja i to:
- a) Iz budžeta općine –općinske reprezentativne OOSI i reprezentativne OCŽR
  - b) Iz budžeta grada- gradske reprezentativne OOSI i reprezentativne OCŽR
  - c) Iz budžeta kantona- kantonalne reprezentativne OOSI i reprezentativne OCŽR
  - d) Iz budžeta Federacije- federalne reprezentativne OOSI i reprezentativne OCŽR”

**IZJAŠNJENJE**  
**Amandman se ne prihvata**  
**Obrazloženje**

Na Nacrt zakona provedene su sveobuhvatne konsultacije sa svim nadležnim kantonalnim skupštinama i ministarstvima, kao i udruženjima OSI i OCŽR i tom prilikom je najviše bilo primjedbi na pitanje finansiranja, koje je u Prednacrtu predviđeno kao obaveza nadležnih organa na svakom nivou vlasti. Obzirom da je tada većina kantona imala primjedbu na ovakav prijedlog i tražila da se pitanje finansiranja ostavi kao mogućnost a ne obaveza, Vlada Federacije BiH je usvojila stav većine kantona te je u Nacrtu zakona pitanje finansiranja ostavljeno kao mogućnost. Ovom prilikom naglašavamo da je i dosadašnja praksa bila finansiranje organizacija na svim nivoima vlasti, i da će se ta praksa očekivano nastaviti, s tim da će sada postojati zakonski osnov kojim je takva praksa omogućena.

**AMANDMAN V**

U članu 28. mjenja se stav (2) i sada glasi:

- (2) "Finansiranje OOSI i OCŽR se vrši putem javnog poziva, u skladu sa raspoloživim sredstvima za tekuću budžetsku godinu, a u svrhu podrške osnovnom funkcionisanju organizacije, radi izvršavanja programskih aktivnosti i zadataka"

**IZJAŠNJENJE**  
**Amandman se ne prihvata**

**Obrazloženje**

Ovim zakonom se uređuje mogućnost finansiranja reprezentativnih organizacija OSI i OCŽR, a predloženi amandman se odnosi na sve OSI i OCŽR. Amandman se ne prihvata jer se OSI i OCŽR u osnovi mogu finansirati iz drugih izvora, i putem javnih poziva kojim zadovoljavaju kriterije. Cilj ovog zakona je da se potaknu organizacije da rade što kvalitetnije u interesu svog članstva i da nastoje steći reprezentativnost, a jedan od motiva je, svakako, i finansiranje iz budžeta. Ukoliko se takva mogućnost predvidi, njihova motivacija da budu reprezentativne može biti ograničena.

V. broj: 1003/2022  
07.07.2022. godine  
Sarajevo



**PREMIJER**

Fadil Novalić